

用其各處置辦物料及徵收價銀自文書到日為始俱限一月以裏辦完各照水程到部如是過遠限期先將差來人員叅送法司問罪司府州縣官員另行叅

奏等間如此度得物料易為完備軍器不致違誤緣係動支官錢開派買辦物料成造軍器及奉

聖旨是工部知道事理未敢擅便奏奉聖旨是欽此

各季歲造軍器巡按御史按季查盤

成化十六年九月二十日戶部尚書陳等

題

計開

一件該左副都御史張瓚題據直隸徐州申照得本州并所屬沛四縣每歲該辦徐左二衛成造軍器價銀七百七十六兩四錢有零解衛成造軍器成化十一年奉工部勘合仰將左衛軍器有行查盤於有司入庫此因無庫暫將預備倉空廩收閤經今五年之上未蒙取用即目按臨造完軍器又該盤貯本州歲後一歲新省愈加增多舊者不免繡壞合無將成化十五年以後改造軍器量為輕減

仍令各該衛將造已收貯軍器按月督令匠作驗看修整不使綉壞便益據申到臣照得直隸淮揚等衛所俱有此等歲造軍器雖經

工部奏

准五年一次查盤各衛多有洪武年間軍器在庫加之連年季造多新舊壓不惟無處交用亦且無處堆放後雖改於所有司收貯因無空閒官庫多餘倉廩寄放氣地濕潤無人晒晾盔甲刀葉綉爛弓箭膠水脫落腐爛過多徒費工料查得直隸淮安大河揚州廬州六安滁州高郵儀真武平歸德壽州邳州宿州泗州徐州并鳳陽各屬共三十一衛所見在軍器除損壞等項不開外實在庫中各項軍器共一百

八十六萬九百二十件計地險易儘勾脩用即今彼中軍民連年災傷難窘至甚合量停造乞

勅該部從長計處合無將直隸滁州等衛原額歲造軍器下為常例自成化五年為始量定年數暫且停造若已闕過有司物料者將在庫損壞軍器量加脩理准作以前季分拖欠之數仍將有司軍器般回各衛所城接高燥去處收貯責令看守之人以前晒晾守護以便查盤實為便益

前件工部具奏查得景泰二年該巡按貴州監察御史黃鎬奏要將各處衛所歲造軍器斟酌定立則例頒行成造等因本部議擬奏



准通行天下衛所每衛一季成造盔甲鎗刀弓各十件圓牌二十面弦八十條箭一千二百枝撒袋四十副銃箭四百枝每千戶所成造盔甲鎗刀弓各十件圓牌五面弦二十條箭三百枝其損壞修過軍器俱各加倍准筭若有軍器色數開去不盡者增造永為定例合用物料照例軍衛有司相兼採辦送用等因已經通行遵守外近該直隸徐州衛百戶穆春奏稱各都司衛所軍政官員將有司該辦物料不行送衛交收銀兩銅錢得以侵欺以致軍器不得完結累奉上司行文催督虛中回報等因本部議擬奏

准通行各處將成化十一年以前軍器查盤見數送赴各

布政司官庫直隸去處送各府州縣官庫收貯巡按御史照數會官按季查盤若有侵欺未完等項就便拿問照例發落已經通行去後今該前因看得軍器一事係是禦防重務若平日成造數少遇警將何措用今左副都御史張 既奏彼處軍民連年災傷兼且實在軍器數多合無不為常例以原額數目三分為率減造一分其閑過有司物料准作下年該辦之數以後軍器缺用仍照舊額成造其奏要將原貯有司軍器般回各衛所城樓官庫高燥去處收貯一節緣前項奏行事例正欲禁革軍衛那移之弊既以送赴有司貯收若有般回原衛所架閣不惟事例紛更不

一抑且往復般運擾人難所提有司收貯已定者不必般移俱要責令的當之人看守以時晒晾巡撫巡按經歷去處時常看驗如有架閣不如法致有損壞者問罪造陪自此之後每年造有軍器准令於各衛該所城棧高燥去處頒放巡按御史照例按季查盤如此則軍器不虧致久收貯不致損壞一據直隸徐州左衛申照得本衛五所係新調衛分先年奉勘合河下接遞應付以十分為率徐州衛出軍夫八名本衛軍夫二名彼此二衛分派出夫為定例但本衛成造軍器却與徐州衛一例成造未蒙減造以致匠料缺少軍器太多往往雇匠成造日加靠損不得完足

思得各處艱難衛分不有不勻額數分豁減造如蒙憐憫量為區處減造分數度軍士得生分務亦完援申到城照得徐州左衛係新調衛分雖有五所運軍旗軍逃故數多不及三分之一委的人少差多軍士艱難不堪造作乞

勅該部計議將原造該衛歲造軍器量減一半以甦軍困  
便益

前件工部行查定奪今查得景泰二年七月內該通州右等衛奏稱各該原額軍士數少蓋占數多缺人辨料原配通州路當衛要辦料下全要將原額軍器減造本部議得遵化真定河間等處地方亦與通州事體相同合無將



前項衛所原定季造軍器件數單減一半每  
衛季造盔甲鎗刀弓各二十件斬馬刀十把  
圓牌十面弦四十條箭六百枝撒袋二十副  
已經奏

准通行遵守去後今左副都御史張奏稱徐州左衛係

是新調衛分旗軍數少合無准其數奏照依  
通州右等衛事例行令減造半年今後務要  
按季造完年終造冊

奏繳若再拖欠不完經該官吏人等一体叅

奏究治仍行原配有司將額辦物料減半解送中間毋  
得多派侵欺自取罪矣